

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 73. sjednici održanoj 16.02.2017. godine, donijela je

## UREDBU

### O IZMJENI I DOPUNI UREDBE O SUBVENCIONIRANJU TROŠKOVA PRIJEVOZA U JAVNOM GRADSKOM SAOBRAĆAJU NA PODRUČJU KANTONA SARAJEVO

#### Član 1.

(Izmjena člana 3. Uredbe)

U Uredbi o subvencioniranju troškova prijevoza u javnom gradskom saobraćaju na području Kantona Sarajevo ("Službene novine Kantona Sarajevo", broj 36/06), član 3. mijenja se i glasi:

#### "Član 3.

(Utvrđivanje prava)

- (1) Licima iz člana 2. tač. a) i b) obezbjeđuje se jednomjesečni, dvomjesečni, tromjesečni i šestomjesečni kupon za prijevoz javnim gradskim saobraćajem, i to:
  - a) sa ličnim učešćem,
  - b) bez ličnog učešća.
- (2) Za lica iz člana 2. tačka c) obezbjeđuju se godišnje karte sa slikom za prijevoz javnim gradskim saobraćajem i to bez ličnog učešća."

#### Član 2.

(Dopuna člana 4. Uredbe)

U članu 4. u stavu (2) iza riječi: "Sarajevo", briše se točka na kraju teksta i dodaju riječi:

"ili rješenjem nadležne zdravstvene ustanove o statusu slijepog lica sa oštrinom vida manjom od 10% (0,10)."

#### Član 3.

(Stupanje na snagu Uredbe)

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-5740-5/17  
16. februara 2017. godine  
Sarajevo

Premijer  
**Elmedin Konaković**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 73. sjednici održanoj 16.02.2017. godine, donijela je

## ODLUKU

### O PRESTANKU VAŽENJA ODLUKA O NAKNADI ZA POJAČANU ISHRANU ZBOG POSEBNIH PSIHO-FIZIČKIH USLOVA RADA

#### I

Prestaje da važi Odluka o naknadi za pojačanu ishranu zbog posebnih psiho-fizičkih uslova rada i Odluka o izmjeni Odluke o naknadi za pojačanu ishranu zbog posebnih psiho-fizičkih uslova rada broj 02-05-28404-20/04 od 30.12.2004. godine, broj 02-05-31433-11/11 od 14.12.2011. godine.

#### II

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjuje se počev od 01.01.2017. godine.

Broj 02-05-5740-6/17  
16. februara 2017. godine  
Sarajevo

Premijer  
**Elmedin Konaković**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 6. stav (2) Zakona o slatkovodnom ribarstvu ("Službene novine Federacije BiH", broj 64/04), Vlada Kantona Sarajevo, na 73. sjednici održanoj 16.02.2017. godine, donijela je

## ODLUKU

### O IZMJENI ODLUKE O UTVRĐIVANJU VISINE POČETNIH CIJENA GODIŠNJE NAKNADE ZA KORIŠTENJE RIBOLOVNIH PODRUČJA

#### I

U Odluci o utvrđivanju početnih cijena godišnje naknade za korištenje ribolovnih područja ("Službene novine Kantona Sarajevo", broj 31/05 i 34/09), tačka II mijenja se i glasi:

Za ukupno šest područja ribolovnih voda na području Kantona Sarajevo utvrđuje se visina početne cijene godišnje naknade u iznosima kako slijedi:

- za ribolovno područje 1 - 2.000,00 KM
- za ribolovno područje 2 - 750,00 KM
- za ribolovno područje 3 - 2.000,00 KM
- za ribolovno područje 4 - 500,00 KM
- za ribolovno područje 5 - 750,00 KM
- za ribolovno područje 6 - 1.750,00 KM."

#### II

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-05-5740-7/17  
16. februara 2017. godine  
Sarajevo

Premijer  
**Elmedin Konaković**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 37. stav (1) Uredbe o organizaciji i načinu naplate parkiranja u Kantonu Sarajevo ("Službene novine Kantona Sarajevo", broj 25/16), Vlada Kantona Sarajevo, na 73. sjednici održanoj 16.02.2017. godine, donijela je

## ODLUKA

### O CIJENAMA PARKING KARTE

#### I

Utvrđuje se cijena parking karte na području Kantona Sarajevo, i to:

- a) Satna karta za zone:
  - "0" ZONA = 2 KM/h (max. zadržavanje 2h)
  - "I" ZONA = 2 KM/h
  - "II" ZONA = 1 KM/h

- b) Cijena Parking karte se formira:

"0" i "I" ZONA

Cijene komunalne usluge održavanja javnog parkinga = 1 KM/h sa PDV-om,

Naknade za unapređenje i investiciono održavanje parkirališta = 0,5 KM/h,

Naknade za čisti prevoz = 0,5 KM/h.

"II" ZONA

Cijene komunalne usluge održavanja javnog parkinga = 0,50 KM/h sa PDV-om,

Naknade za unapređenje i investiciono održavanje parkirališta = 0,25 KM/h,

Naknade za čisti prevoz = 0,25 KM/h.

Cijene svih vrsta karata koje su navedene od tačke 2. do tačke 7. ove Odluke se formiraju u skladu sa utvrđenim omjerom za osnovnu/satnu kartu.

- c) Za "0" ZONU ne važe mjesečne parking karte/naljepnice.